



**Nasjonalparkstyret
for Jotunheimen
og Utladalen**

Postadresse
Postboks 987
2604 LILLEHAMMER

Besøksadresse
Norsk fjellsenter
Brubakken 2, 2686 Lom
Luster kommune,
Kommunehuset, 6868 Gaupne

Kontakt
Sentralbord: +47 61 26 60 00
Direkte: +47 948 80 564
fminpost@statsforvalteren.no
<http://www.nasjonalparkstyre.no/jotunheimen>

Vågå Røde Kors

Saksbehandler Kari Sveen

Vår ref. 2021/747-10 432.3

Dykkar ref.

Dato 11.02.2021

Delegert vedtak - Jotunheimen NP - Motorferdsel - Scooterløyve for beredskap i samband med filminnspeling på Gjende

Visertil telefonsamtale og søknad 10. februar.

Dokument i saka

- Søknad ved e-post av 10. februar
- Sak 4/2021 i nasjonalparkstyret, med tilhøyrande bakgrunnsdokument

Saksopplysningar

Nasjonalparkstyret har i sak 4/2021 gjeve dispensasjon til Storm Films AS for motorferdsel i samband med filminnspeling på Gjende. Dispensasjonen er supplert med tilleggsvedtak sendt 8. februar. Vågå Røde Kors er i tillegg spurt om å vera til stades for beredskap i tilfelle uføresette hendingar. Vågå Røde Kors har på bakgrunn av dette sendt følgjande søknad:

*«Vågå Røde Kors søker om løyve til 2 stk scootere frå Gjendesheim til område Hamnsand, for transport av utstyr i forbindelse med sikkerhetsoppdrag under filminnspilling disse dagene. Dette for og være mest mulig opprative dersom noe skulle skje (skade/sykdom/gå gjennom isen)
Da vil sledene være opplastet med båt, tørrdrakter, tauverk og diverse vannrednings utstyr. vi treng vore egne scootere da vi ser at dei som har løyve, ikkje blir ståande ved innspillingsplasen heile tida. da vil responstida bli for lang.
Dette gjelder Tysdag 16 februar og Onsdag 17 februar 2021 mellom kl. 0800-1700.»*

Heimelsgrunnlag

Delegering

Nasjonalparkstyret har delegert forvaltningsmyndigheit for Jotunheimen nasjonalpark og Utladalen landskapsvernområde i medhald av vedtekter revidert frå 01.01.2020. NP-styret har i møte 11. mai 2016 delegert til nasjonalparkforvaltar å gjera vedtak i kurante saker etter dei spesifiserte dispensasjonsreglane og i saker med etablert forvaltningspraksis. Styret har i sak 4/21 opna for motorferdsel knytt til denne saka.

Verneformål – forskrift

Etter § 3 pkt. 6.1 er det forbod mot all motorferdsel. Pkt. 6.2 a) slår fast at reglane i pkt. 6.1 er ikkje til hinder for *"Motorferdsel i samband med militær operativ verksemd og tiltak i samband med ambulanse, politi-, brannvern-, rednings- og oppsynsverksemd, ----»*

Unntaket gjeld ikkje for øvingskøyring, og ein legg til grunn at det da heller ikkje gjeld reint førebyggjande beredskap, som er tilfellet her.

§ 3 pkt. 6.3 a) opnar for at forvaltningsstyresmakta kan gje løyve til:
«Øvingskøyring for formåla som er nemnde i pkt. 6.2 a)».

Forvaltningsplan (rettleiande utkast frå 2008)

Filmoppdraget er avgrensa til å kunne forgå på/ved Gjende og innan området på sørsida av Gjende mot Gjendehø som ligg innan Teig 6 i forvaltningsplankartet.



Området ligg i brukssone, og forvaltningsplanen seier m.a. dette om denne kategorien:

- «Det er store naturkvalitetar i områda med brukssone. Det er eit mål å ta vare på desse samstundes som områda vert brukt, ikkje minst for friluftsliv. Retningslinjer og tiltak tek sikte på å finne den optimale balansen mellom bruk og vern.»

Naturmangfaldlova (nml)

Dispensasjonar skal vurderast i høve til dei miljørettslege prinsippa i nml §§ 8-12.

Presedens

Det er etablert praksis å gje løyve til nødvendig motorferdsel som styrkar redningstenesta.

Vurdering

Dispensasjonen gjeld utplassering av mannskap og utstyr for å sikre god beredskap under filmoppdraget. Sjølv om det ikkje er direkte øving, vil operasjonen ha mange likskapstrekk med ei øving som tek sikte på å gjere det frilviljuge mannskapet best mogleg i stand til å kunne utføre eventuelle redningsoppdrag på innsjøar i fjellet. Ein vel derfor å vurdere saka etter § 3 pkt. 6.3 a) på linje med ei øving, og ikkje naturmangfaldlova § 48.

Aktivitetane foregår på isen av Gjende, og det er etter det forvaltninga kjenner til gjort grundige vurderingar av isen for å sikre mest mogleg trygge forhold. Sjansen for at nokon skal gå gjennom isen blir derfor vurdert som svært liten, men konsekvensane av ei eventuell ulykke på isen kan verta svært alvorlege. Dette ut frå værforholda i høgfjellet og den lange avstanden på vel 6 mil ned til basen for hjelpekorpsset i Vågåmo. Dette tilseier at utplassering i terrenget blir vurdert som fornuftig i dette tilfellet. Plasseringa ved Hamnsand vil gje god oversikt over det planlagde opptaksområdet, og dei vil lett fange opp behov for bistand. Dette gjeld ikkje berre uføresette hendingar som å gå gjennom isen, men også tryggleik dersom nokon skadar seg og risikerer å bli liggande lenge utandørs i høgfjellet. Vilråa for å gje dispensasjon blir derfor vurdert å vera til stades.

For vurdering etter naturmangfaldlova §§ 8-12 viser ein til vurderingane i sak 4/21:



- *Kunnskapsgrunnlaget (§ 8) når det gjeld naturmangfold og bruk av området ved Gjende er godt. Begrensa snøscootertransport på isen i utkanten av nasjonalparken i en kort periode i februar vil knapt påvirke dyrelivet eller andre brukerinteresser i verneområdet.*
- *Føre-var-prinsippet (§ 9) tilsier at det føres en streng praksis når det gjelder motorferdsel i verneområdet. Bruk av snøscooter på isen vil medføre noe støy en kort periode, men blir ikke vurdert å gi noen innvirkning på naturmangfoldet.*
- *Etter § 10 "Økosystemtilnærming og samlet belastning" skal et vedtak vurderes opp mot samla påvirkning, om en dispensasjon kan skape presedens, og dermed bidra til gradvis forringing av området og uthuling av verneforskrifta. Forvaltningsmyndigheten følger en generelt streng praksis for motorferdsel i nasjonalparken, og en ser ikke for seg at det vil oppstå mange saker av lignende karakter. Det er relativt sjelden at regionen får besøk av store filmproduksjoner, og i dette tilfellet er det storslåtte naturlandskapet i Jotunheimen noe som er med og skaper den riktige stemninga i filmen. Det forutsettes at all motorferdsel knytta til innspillinga skjer innen brukssonen i teig 6 på plankartet – dvs. øst for Memurubu. Det vil skape uheldig presedens om en åpner for å øke aktiviteten på vestre del av Gjende, jf. kartet fra forvaltningsplanen.*
- *§ 11 om at «kostnadene ved miljøforringelse skal bæres av tiltakshaver» innebærer at området må ryddes grundig. Ingenting kan ligge igjen på isen etter avslutta aktivitet.*
- *§ 12 Miljøforsvarlige teknikker og driftsmetode: Planlagt filmproduksjon vil ikke kunne gjennomføres uten motoriserte hjelpemiddel, pga. tungt utstyr og krav til effektive opptak.»*

Det er etter samla vurdering gjort slik delegert

Vedtak:

Vågå Røde Kors får med heimel i § 3 pkt. 6.3 a) i verneforskrift for Jotunheimen dispensasjon for bruk av snøscooter for å sikre god beredskap i samband med filmoppdrag på Gjende i regi av Storm Films AS. Transporten blir ikkje vurdert å gje negative konsekvensar for naturmangfoldet.

Vilkår:

- **Motorferdselløyvet gjeld bruk av 2 scooterar for transport av nødvendig utstyr for redningsoppdrag på is inn til base ved Hamnsand, og ved behov elles innan opptaksområdet der Storm Films har fått godkjenning i styresak 4/2021.**
- **Dispensasjonen gjeld for 16.-17. februar 2021. Dersom værforholda gjer det vanskeleg å gjennomføre innan planlagt tidsrom, kan reservedagar avtalast med forvaltar. Dette vil følgje eventuelle endringar hos filmselskapet.**
- **SNO v/ Rigmor Solem er varsla om dato for transport ved kopi av dette vedtaket. Eventuelle endringar i dato skal varslast seinast dagen før (mobilnr. 959 65 158, eller e-post rigmor.solem@miljodir.no)**
- **Området skal ryddast grundig ved avslutning av oppdraget, slik at ingenting blir liggande att på isen.**

Vedtaket kan påklagast etter reglane i forvaltningslova. Eventuell klage skal stilast til Miljødirektoratet, men sendast via nasjonalparkstyret innan 3 veker etter motteke vedtak.

Dispensasjonen gjeld i høve til verneforskrifta. Vågå kommune er forvaltningstyresmakt etter motorferdsellova, og må vurdere om det er behov for kommunal behandling i tillegg.



Med helsing

Kari Sveen
nasjonalparkforvaltar

Etter våre rutinar er dette brevet godkjent og sendt utan underskrift

Kopi til:
Vågå kommune
Vågå fjellstyre
Storm Films AS v/ Joachim Lyng
SNO Jotunheimen v/ Rigmor Solem
Postmottak SFIN
Leif Solemsli
Eldrid Nedrelo

Edvard Storms veg 2 2680 VÅGÅ
Postboks 16 2684 VÅGÅ